

# **Landesbibliothek Oldenburg**

**Digitalisierung von Drucken**

**Cornelius Nepos perperam vulgo Aemilius Probus dictus,  
De Vita Excellentium Imperatorum**

**Nepos, Cornelius**

**Lipsiae, MDCCXIV**

**VD18 12591890**

I. Io. Savaronis.

**urn:nbn:de:gbv:45:1-16472**

## IVDICIA

clarissimorum virorum de auctore huius  
libri, aliisque eius, iniuria temporum  
deletis, monumentis,

I.

IO. SAVARONIS.

**H**Vnc librum Cornelio Nepoti adserit ipsa  
praefatio: *Non dubito fore plerosque Atti-  
ce, &c. & ex vita Catonis, illa: Huius de vita &  
moribus, plura in eo libro persecuti sumus, quem  
separatim de eo fecimus, rogatu T. Pompon. At-  
tici, &c. cuius quidem libri fragmentum ex Cor-  
nelio Nepote, laudare videtur Gellius lib. XI. cap.  
VIII. Praeterea libros de viris illustribus, vete-  
rum scriptis celebres, qui Nepoti tribuuntur, ab  
huius libri auctore confectos esse, satis apparet  
ex fine Hannibalis vitae: Sed nos tempus est, hu-  
ius libri facere finem, & Romanorum explicare  
imperatores, quo facilius collatis Græcorumque fa-  
ctis, qui viri praeferendi sint, possit iudicari.  
Tanta etiam suauitas est sermonis Latini, vt ap-  
pareat, in eo nativum quemdam leporem esse,  
non adscitum, & iam aevo Theodosii desitum,  
quo non parum inclinata erat Latinaris eloquen-  
tia. Æmilium autem Probum, cuius nomine  
circumfertur hic liber, Theodosio regnante vi-  
xisse, & huiusce libri exscriptorem potius esse,  
quam auctorem, patet ex his versibus:*

*Vade liber noster, fato meliore memento,*

*Cum leget haec dominus, te sciat esse meum.*

Ne

## DE CORN. NEPOTE.

*Ne timeas fuluo strictos diademate crineis,  
Ridentes blandum vel pietate oculos.  
Communis cunctis, hominem se regna tenere  
Sed meminit, vincit hinc magis ille homines.  
Ornentur steriles: facilis tectura libelli,  
Theodosio, & doctis carmina nuda placent:  
Si rogat auctorem, paullatim detege nostrum  
Tunc domino nomen: me sciat esse Probum.  
Corpore in hoc, manus est genetricis, auique, meaque,  
Felices, domini quae meruere manus.*

Hic ergo suo auctori reddatur, quem sibi Cornel. Nepos iusto titulo vindicat. quemque coaeuo suo & familiari Pomponio Attico dedit, cuius etiam rogatu, vitam M. Catonis separatim scripsit, & illi superstes, elegantissimam eiusdem vitae consuetudinem, elegantia pari profecutus est. Praeter Chronica, libros exemplorum, de viris illustribus, & de vita Catonis, librum se de historicis Graecis conscripsisse testatur in Dione: sed de hoc in eo libro plura sunt exposita, qui de historicis Graecis conscriptus est (sic enim ex mss. bona fide suppleui) atque alterum edidit de Latinis historicis, ex quo excerpta esse fragmenta Corneliae Gracchorum matris, Gifanii codice probatur. Quod ad Daretis Phrygii historiam, quam a Corn. Nepote Latine redditam, Volaterranus, & alii tradiderunt, elegantia stili potius ducti, quam certa ratione, dispar stilius est, & dissimilis genius, & si quid in me iudicii, Corn. Nepos illo interprete, vt annis, sic nitore sermonis, longe superior, quod collatis vtriusque scriptis, facile potest iudicari. De hoc auctore ita mihi visum est, saluo tuo (erudite lector) iudicio.

I V D I C I A.

II.

GER. IOANNIS VOSSII.

Cornelius Nepos, & ante Caesaris dictaturam, & eo dictatore, & postea vixit. Hieronymus in Chronico Eusebiano refert illum ad annum Augusti quartum. Nec cuiquam repugnem, colligenti inde, tum demum diulgare ea coepisse opera, quibus maxime inclaruit. *Padi* erat accola teste Plinio lib. III. c. XVIII, vnde Catullo epigrammate primo Italus; Aufonio autem epist. XXIV. Gallus vocatur. Nempe quia Italia Transpadana diceretur Gallia Togata. De *Erbe patria* quidquam se habere comperti, negat Elias Vinetus in Aufon. Idyll. VII. At Veronensem fuisse, in Leandri Alberti Italia lego: vti & in Cosmographia optimi atque amicissimi quondam viri, Pauli Merulae. Immo, ex Veronensium historicorum syllabo, (quem doctissimus amplissimusque Alexander Becellus, Veronensis urbis cancellarius, fecit, ac illustrissimus comes, Fernandus Nogarola, vir vt genere, ita litterarum studio nobilissimus, cum V. Cl. Laurentio Pignorio, atque is mecum communicavit) intelligo, natum fuisse Nepotem in *Hostilia*: qui Veronensium vicus est. Tacito, Plinio, Casiodoro, & Antonino in Itinerario memoratus, hodieque Ecclesiasticae Veronensium iurisdictioni subditus. Historicus hic *Ciceronis amicus familiaris* a Gellio vocatur lib. XV. cap. XXVIII. *Chronica* scripsisse, testis est idem Gellius lib. XXVII. cap. XXI. In his pro triplici tempore ἀδήλω, μυθικῶς, κῆρ